

Javna ustanova TREĆA GIMNAZIJA Sarajevo
ul. Vilsonovo šetalište broj 16
71000 Sarajevo

Na osnovu člana 143. Zakona o srednjem obrazovanju ("Službene novine Kantona Sarajevo", broj: 23/17,30/19 i 33/21), člana 7. Pravilnika o izboru, kriterijima za izbor, nadležnostima i radu direktora srednjih škola ("Službene novine Kantona Sarajevo", broj: 46/18), člana 162. Pravila Javne ustanove Treća gimnazija Sarajevo broj: 01-1-6-836/18 i i Odluke o izmjeni i dopuni Pravila škole broj: 01-1-1129-01/20 od 11.12.2020.godine, **Školski odbor Javne ustanove Treća gimnazija Sarajevo, na osnovu donesene Odluke broj: 01-1-111/22 od 03.02.2022.godine, r a s p i s u j e :**

JAVNI KONKURS
ZA IZBOR DIREKTORA
Javne ustanove TREĆA GIMNAZIJA Sarajevo

I Vrijeme za koje se vrši imenovanje direktora

Direktor Javne ustanove TREĆA GIMNAZIJA Sarajevo bira se na mandatni period od četiri godine.

II Uvjeti za imenovanje direktora

- 1) Za direktora škole može biti imenovano lice koje, osim općih uvjeta, u pogledu stručne spreme ispunjava uvjete za nastavnika ili pedagoga škole u koju konkuriše i ima najmanje osam godina radnog iskustva i od toga najmanje pet godina na poslovima u nastavi ili na pedagoško-psihološkim poslovima u stepenu stručne spreme koja se traži za radno mjesto, te ima najmanje VII stepen stručne spreme, odnosno završen najmanje II ciklus bolonjskog visokoobrazovnog procesa i ima najmanje zvanje mentor.
- 2) Potrebno radno iskustvo u školi podrazumijeva rad u nastavi sa sedmim stepenom stručne spreme, odnosno završenim najmanje II ciklusom bolonjskog visokoobrazovnog procesa.
- 3) Pored uvjeta u pogledu stručne spreme za direktora može biti imenovano lice koje ispunjava i sljedeće opće uvjete:
 - a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavlivanja na javni konkurs;
 - b) da se na tog kandidata ne odnosi član IX stav 1. Ustava Bosne i Hercegovine, (član IX stav 1. Ustava BiH glasi: „Nijedno lice koje se nalazi na izdržavanju kazne, izrečene presudom Međunarodnog tribunala za bivšu Jugoslaviju i niti jedna osoba koja je pod optužnicom Tribunala, a koja se nije povinovala naredbi da se pojavi pred Tribunalom, ne može biti kandidat ili imati bilo koju neimenovanu, izbornu ili drugu javnu funkciju na teritoriji Bosne i Hercegovine“.)
 - c) da nije osuđivan za krivično djelo i za privredni prestup nespojiv sa obavljanjem dužnosti direktora škole,
 - d) da nema privatni finansijski interes u Javnoj ustanovi TREĆA GIMNAZIJA Sarajevo u kojoj se kandiduje za direktora.

(4) Za direktora **ne može** biti imenovano:

- a) lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine Zakona o ministarskim, vladinim i drugim imenovanjima Federacije Bosne i Hercegovine,

b) lice za koje se odgovarajućom medicinskom procedurom utvrdi da je alkoholičar, odnosno ovisnik o narkoticima,

c) lice za koje se odgovarajućom medicinskom procedurom utvrdi da boluje od zarazne ili duševne bolesti,

d) lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više.

III Dokumentacija koju su kandidati obavezni dostaviti.

Kandidati su dužni dostaviti sljedeću dokumentaciju (original ili ovjerenu kopiju):

- svojeručno potpisanu prijavu na javni konkurs, sa kontakt podacima (adresa stanovanja, broj telefona i e-mail adresa) i tačno navedenom dokumentacijom koja se prilaže na javni konkurs
- biografiju (CV);
- diploma o stečenoj stručnoj spremi;
- uvjerenje o položenom stručnom ispitu;
- dokaz o sticanju stručnog zvanja (najmanje zvanje mentor);
- izvod iz matične knjige rođenih;
- uvjerenje o državljanstvu (ne starije od 6 mjeseci);
- dokaz o radnom iskustvu (najmanje osam godina radnog iskustva i od toga najmanje pet godina na poslovima u nastavi ili na pedagoško-psihološkim poslovima u stepenu stručne spreme koja se traži za radno mjesto), a koje podrazumijeva rad u nastavi sa sedmim stepenom stručne spreme, odnosno završenim najmanje II ciklusom bolonjskog visokoobrazovnog procesa (potvrdu izdaje prethodni poslodavac/poslodavci);
- dokaz (koji izdaje nadležni sud) da protiv lica koje konkuriše za direktora nije potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više (ne starije od 3 mjeseca);
- pisani razvojni plan i program Javne ustanove Treća gimnazija Sarajevo za mandatni period.
- potpisana i ovjerena izjava od strane nadležne Općinske službe kojom kandidat potvrđuje sljedeće:
 - a)** da nije otpušten iz državne službe kao rezultat disciplinske mjere na bilo kojem nivou u BiH u periodu od 3 godine od dana prijavljivanja na javni konkurs;
 - b)** da se na kandidata ne odnosi član IX st.1 Ustava BiH;
 - c)** da nije osuđivan za krivično djelo i za privredni prestup nespojiv sa obavljanjem dužnosti direktora škole,
 - d)** da nema privatni finansijski interes u školi u kojoj se kandiduje na mjesto direktora,
 - e)** da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u FBiH i Zakonom o Ministarskim, vladinim imenovanjima FBiH.

Kriteriji, procedure, uvjeti, način izbora i imenovanja direktora Javne ustanove Treća gimnazija Sarajevo, po ovom javnom konkursu, utvrđeni su Pravilnikom o izboru, kriterijima za izbor, nadležnostima i radu direktora srednjih škola („Sl.novine Kantona Sarajevo“ br.: 46/18).

IV Rok za podnošenje prijava

Javni Konkurs će istovremeno biti objavljen u dnevnom listu "OSLOBOĐENJE" i na web stranici Ministarstva za odgoj i obrazovanje Kantona Sarajevo, **dana 09.02.2022. godine.**

Javni Konkurs ostaje otvoren 15 dana od dana objavljivanja (od 09.02.2022. do 24.02.2022 godine).

Prijave sa dokazima o ispunjavanju uvjeta javnog konkursa dostaviti najkasnije sa danom **24.02.2022.godine**, poštom preporučeno ili u zatvorenoj koverti na protokol škole svakog radnog dana u vremenu od 10:00 do 14:00 sati, na adresu:

Javna ustanova TREĆA GIMNAZIJA Sarajevo
Ul. Vilsonovo šetalište broj 16
71000 Sarajevo

sa naznakom „Prijava na javni konkurs za izbor direktora - ne otvaraj (Otvara Školski odbor)“.

V Način i rok obavještanja kandidata o rezultatima javnog konkursa

Školski odbor će pisanim putem obavijestiti sve kandidate koji su se prijavili na javni konkurs o Odluci o imenovanju direktora, u roku od osam dana od dana donošenja odluke.

Izabrani kandidat dužan je dostaviti po izboru, a prije imenovanja na funkciju direktora ove javne ustanove ljekarsko uvjerenje i ovjerenu izjavu kod nadležnog organa da ispunjava uvjete utvrđene članom 146., stav (12), tačka a) i b) Zakona o srednjem obrazovanju („Službene novine Kantona Sarajevo“ broj: 23/17,30/19 i 33/21).

Korištenje ženskog ili muškog roda u ovom Konkursu podrazumijeva uključivanje oba roda.

VI Napomena

Nepotpune i neblagovremene prijave, prijave kandidata koji ne ispunjavaju uvjete ovoga konkursa, kao i fotokopije tražene dokumentacije i izjave koje nisu ovjerene neće se uzeti u razmatranje.